

朕思國家設立勦合馬牌等為軍情及各差遣命官之用近  
多徇情時勦合送親故供應之外橫索折乾小民困極甚至  
賣兒貼婦以應之卿等傳示兵部做舊例某項宜用勦合某  
項宜用馬牌其餘例禁以清弊源

大孝士朱宗道免編修硯元璐屢言事宗道曰渠何事多言  
吾詞林故事惟香茗耳時謂清客宰相

御史劉大受起補奏忤奸始末上曰故輔魏廣微逞臆借威  
箝害朝正將國家大柄投手逆璫毒徧海內廣微實為禍首  
會論僉同朕不敢私以先朝焦芳例除名為民追奪恩蔭誥  
命以為人臣附奸不忠之戒

初肅州境外哈密頭目綽庫兒以三人叩加塔關求賞總兵  
徐家壽伏地咆以待之誘至中砲綽庫兒僅以身免於是  
忿恨合海虜黃台吉謀大舉入犯邊臣告急上以家壽啟票  
前妄報斬獲今張皇請械粟下臺訊之

御史馬明言日講宜勤晉接宜隆銓衡責成宜嚴邊將倚任  
宜專末言招撫海寇非策報聞

乙卯叙四川功張鶴鳴王在晉董漢儒吳弘業董盡倫俱廢  
錦衣衛千戶朱燮元張論俱錦衣衛指揮僉事總兵杜文煥  
廢本衛指揮李維新薛來胤俱本衛千戶

陳仁錫曰武臣世爵自公侯而下即數錦衣文臣如于忠

肅其扶危定傾之功而當年身後之廢止於外所一正十  
迨其後亦止陞襲外衛指揮比至萬曆年始更定指揮蓋文  
臣得一錦衣若斯之難也况邦政條例非親斬不世襲乃文  
臣亡論崇卑或稍奏捷必廢錦衣而武臣即百戰沙場身膏  
鋒鏑之元戎止廢外衛不平孰甚焉

丙辰召廷臣於平臺以御史吳玉疏錢糧積弊示閣臣問何  
不名指也玉對曰此夙弊非經一人一事無可指名上曰然  
周侍讀李士張士範廣館選六名旨何來士範謝不知蓋出  
新進士張星上怒其泄旨李標曰前東閣會議稿六名上問  
誰令會議劉鴻訓曰會議曾以聞上詰士範至再又出戶科

右給事中黃承昊疏至京支雜項錢糧問戶部左侍郎王家  
楨何濫增至此曰皇祖出數少入數多故太倉積餘七百萬  
內帑又亡笑後邊臣隨請隨給出入不相準又讀至鹽法閣  
臣請復祖制開屯種引上然之又出宣府巡撫李養冲疏云  
旗尉往來如織踪跡難憑不賂之恐毀言之日至欲賂之恐  
物力之難勝上不擇兵部尚書王在晉曰大同焚掠宜按臣  
勤報不煩旗尉上曰疆事仗一喇嘛僧講款諸文武何為虜  
不輕我中國哉劉鴻訓曰講款奴也王在晉曰遼曩十年東  
援之兵亡者不婦者不伍今遼餉匱闕或至三年上以問  
王家楨對曰延綏關甚問刑部左侍郎丁啟濟以李實事追

取空印奏本為李永貞草上其墨墨殊何未異獄也

七月庚申朔大李士李標周道登劉鴻訓錢龍錫各進太子太保文淵閣大李士前大李士韓煥朱國楨各進太保李國楫太傅劉一燝史繼階朱延禧各進少師蕭太子太師並賜金幣廕中書舍人

辛酉戶科給事中韓一良上言皇上平臺召對有文官不愛錢之語然今之世何處非用錢之地今之人何官非愛錢之人皇上亦知文官不得愛錢年始以錢進安得不以錢償臣所聞一督撫也非五六千金不得道府之美闕非二三千金不得以至州縣并佐貳之闕各有定價內外陞選俱以賄

成而吏部之始進可知也至科道亦以此得之館選亦然今言蠹民者俱歸咎守令之不廉然州縣亦安得廉俸薪幾何上司票取不曰無碍官銀則曰未完紙贖衝塗過客動有書儀至巡按荐謝每百金旁荐五十金其例也近且浮於例遇考滿朝覲或費至三四千金夫此金非天降非地出而欲膏令之廉得乎之大為創懲逮其賍甚者嚴勅諸臣視錢為汚悞錢為禍庶幾不愛錢之風可睹矣

壬戌午刻太白晝見屬楚分  
癸亥召廷臣於平臺命韓一良誦前奏嘉獎之吏部尚書王  
永光請命一良指劾一良以風聞對命五日限奏一良曰命

部科叢被參未結及权重望輕資俸驟躡或陪推倖照一臚列即可得其人矣已一良露素終不盡對命疏內凡天地祖宗字出格朕毋敢並

甲子侍讀季士張士範削籍庶吉士張星免

乙丑上嘉韓一良清直起遷右僉都御史

工部主事徐爾一訟故經略熊廷弼之寃曰廣寧兵十三萬糧數百萬盡屬王化貞廷弼止援遼兵五十駐右屯去廣寧四百里化貞遊漬獨以五十人至大凌河付之其英慕容垂三萬事独全相類奈何與化貞誤用虜同日道武乞賜昭雪為勞臣勸不聽

丙寅御史石三畏削籍

己巳吳宗達為吏部右侍郎孔貞運為國子祭酒起張鳳翔吏部左侍郎改周嘉謨太子太保南京吏部尚書李待問為戶部右侍郎兼右僉都御史提督漕運巡撫四川右都御史張論失印彼劾

以滿桂為征西前將軍總兵鎮守大同

張曉進太子太保兵部尚書兼右副都御史仍總督宣大

庚午覈皇考遺恩宮臣

癸酉召廷臣及督師袁崇煥於平臺上慰勞甚至崇煥銳而輕每易言天下事上問建人何日可平崇煥漫應曰五年為

期慷慨請兵械轉餉凡吏部用人兵部指揮戶部措餉言路  
持論俱與邊臣盡相呼應始可成功上然之賜崇煥食出至  
午門或問以五年果效否崇煥曰上期望甚迫故以五年慰  
聖心也識者卜其無成時朝議憂皮島毛文龍難馭大李士  
錢龍錫迺崇煥語及之遂定計而去

乙亥嚴禁私驛

丙子康新民為大理寺卿南居益為戶部右侍郎督理倉場  
曹文衛為右副都御史巡撫應天

丁丑御史黃宗昌劾前戶部尚書張我績通政使岳駿聲工  
科右給事中潘士聞南京戶部右侍郎呂圖南御史王珙皆

魏忠賢遺黨命我績削籍餘免官

誅罪監李永貞籍銀二十九萬

己卯錦州城賊

辛巳故吏部尚書張問達予祭葬贈太保廕中書舍人

張士範張星及中書舍人周承禹下刑部獄以承禹泄其旨  
也並論城旦

王尊德為兵部右侍郎兼右僉都御史總督兩廣

壬午海寧蕭山大風兩海鹽溺人畜亡笑傷稼

御史涂保泰免王世鯤削籍

巡撫福建右僉都御史朱一馮免

於未賜衣崇煥尚方劍

張鶴鳴免改陸完李光祿寺卿

初廣寧塞外有炒化暖兔貴英諸部薊鎮三協有三十六家  
守門諸部所云西虜也皆受我賞建州雖強其勢未大合至  
是中外迎上指謂通建州並革其賞諸夷已聞然會塞外飢  
請粟上堅不予且罪闕出者於是東邊諸部群起颺去乃盡  
折入建州不入漢索矣

甲申遼東寧遠軍乏糧四月因大譟執巡撫右僉都御史畢  
自肅自肅嘗奏請戶部未發悍卒露刃掛幕府縛自肅及總  
兵朱梅推官蘓涵淳州同知張世榮置譙樓上捶擊交下自

肅傷殊甚兵備道郭廣新至身翼自肅為解括撫夷金及朋  
搆得二萬金不厭並借商民足五萬始解自肅草奏引罪走  
中左所以月丙申自經袁崇煥至宥首惡楊正朝張思順誘  
捕其黨多廣武及車左右營卒斬十六人治本帥罪有差畢  
自肅淄川人萬曆丙辰進士軍變時通餉至五十二萬有奇  
變間削秩其兄戶部尚書自嚴三上章以己官贖弟職不許  
鄭以偉曰自有東事以來每推一經略一撫出便視之如  
膜外各袖手旁觀以故胡殺其外法殺其內非無人才也  
而若若秋葉之零落畢公之殺非胡非法而獨死數百悍  
卒手不尤痛哉說者或責以恩威之不著大撫不毋若楊

子變而望其順慈媼不能何威之施起嘉靖至萬曆兵九  
六七變如五堡大同遼陽留都浙江寧夏非釀苛措則激  
大役公皆無焉則且募兵如樹植浮屠欲執其末難矣破雖  
撫乎非有韓范旁年塞上之父一旦蜂擁豕突一書在寄  
其上強則旁竒欲縛其腹使不餐弱則竊脂欲籍其喙使  
不肉勢必無撫豈非天哉

大學士錢龍錫周道登往德陵

乙酉召廷臣於平臺示御史梁子璠請汰兵餉疏問戶部左  
侍郎王家楨兵部尚書王在晉何兵餉冒濫至此也二臣各  
條對上又示韓一良前疏及恭周應秋閻鳴春張翼明褚泰

初等以先後矛盾奪其新秩又示大同總兵渠家楨奏辨失  
事閣臣言其罪上然之并咎督撫俱弛備

給袁崇煥十萬金資鼓鑄仍發餉金二十萬

丙戌呂維祺為尚書司卿

丁亥誅故錦衣衛左都督田爾耕

戊子故 部 侍郎臧爾勸贈兵部尚書廕子入國子監

八月己丑朔諭通錢法

庚寅毛文龍慰諭各島值風泊登州

召廷臣於平臺

辛卯以趙率教為總兵鎮守永平薊州

胡世賞為刑部右侍郎呂兆熊為南京戶部尚書兼右副都御史總督糧儲

禮部右侍郎徐光啟補日講馬之騏補經筵

壬辰上於乾清宮大殿額曰敬天法祖

癸巳御史張三謨言君德無為臣道代終罔知罔兼君德所費皇上臨下以簡御衆以寬宜摠其大指以責成功令閣臣盡心輔導或有所失言官不能執事關一節無干清議惟當就事論事固不得為輕薄詆毀之言以傷大臣之休大臣亦不得因小言輒去務兼虛公以成休容之風上是之王象乾仍以少師兼太子太師兵部尚書兼右都御史督師

### 宣大禦虜

甲午令吉安人如會典准食淮鹽

南京刑部尚書潘士良克

諭曰朕欲與大小臣工日籌廢務而諸司各有職掌宣召頻繁恐滋耽閣惟是輔臣呼吸相通今除盛暑祈寒之外朕當時御文華殿恭詳章奏

己亥命郵故吏科給事中侯震揚嘉定人庚戌進士天啟壬戌劾沈淮交結客氏盧受之罪至是子嗣曾疏請贈太常寺

少卿

壬寅起禮部尚書盛以弘協理詹事府



乙巳起郝王膏兵科給事中侍講徐時泰孫之儼陳具慶並  
削籍貢士周錄除名應秋子

丙午神廟德妃許氏薨附葬張順妃園

丁未前兵部尚書邵輔忠戶部尚書李精白削籍

上始御文華殿恭詳章奏翰林科道各二人備宣讀中書舍  
人二人侍班

戊申吏部尚書王永光言三事貪殘宜戒冊報宜信棟避地  
方宜罪從之

己酉彭惟城改南京太常寺少卿

庚戌前遭運戶部尚書郭尚友戶部尚書郭允厚俱聽議前

巡撫山西右僉都御史牟志夔御史游鳳翔周維持太僕寺  
少卿陳殷俱免戶科給事中陳良訓論其黨逆

建州犯黃泥窪袁崇煥令總兵祖大壽擊卻之斬百八十級  
獲馬騾百二十

辛亥周之謙為太常寺卿

壬子編修吳孔嘉削籍孔嘉徵時故恣族人吳養春及登第  
因其逆僕訐奏起黃山之案傾陷數百家  
御史張汝懋劉徽免

乙卯山西陽和衛地震決日不止

福建盜竊發劫會昌蔓於上杭武平

九月戊午朔

庚申諭吏部嚴糾貪墨慎選撫按

辛酉御史吳玉恭惠安伯張慶臻賄兵部尚書王在晉閣臣  
劉鴻訓及中書舍人田佳璧改勅

癸亥協理京營兵部尚書呂純如免

甲子南京右都御史閔洪學罷

丁卯夜京師地震

戊辰右副都御史許可徵削籍

己巳誠科道官曰朕宏開言路日御文華發奸指佞之疏朝  
上夕下乃沽譽營私者未盡無人荐舉市恩糾奏鮮實初閱

封章侃然忠讜及朕詰問諉之風聞至不辨忠邪概行論劾  
使大臣不安其位誰與共理非朕虛懷樂諫推誠茹納之初  
意也今後務捐積習秉公忠條奏必鑿、可行彈劾必事、  
有據使居言路者誠無錯雜之是非豈患司官守者尚有操  
清之名實治亂在茲各宜忘飭

辛未召廷臣及督師王象乾於平臺問象乾方略對曰揅漢虎  
墩兔慙與順義王卜石兔哈喇慎白黃台吉俱元小王子之  
後卜哈二酋俱揅漢分部歲貢自黃台吉與揅漢闕遂不貢  
隆慶庚午俺荅受封開市哈白部夷屢掠之去歲卜石兔西  
走哈喇慎俱被擄白台吉僅身免東投建州其弟跌各兔等

不欲也白台言魂死哈部今無幾朵顏衛夷三十六家此日亦當聯絡英哈喇慎可得三萬人諸夷惟永卻下最強約三十餘萬人若合卜石兔之兵可禦揮漢上曰抽漢意不受撫何對曰當從容籠絡上曰如不款何象乾密奏語不盡聞也上善之命往英袁崇煥共計象乾請發撫賞銀五萬

甲戌海盜鄭芝龍降工科給事中顏繼祖言芝龍既降當責其報效今復切勿用閩人從之

命錄囚吏部尚書王永光主讞

丁丑故太僕寺少卿周朝瑞贈大理寺卿

戊寅御史毛羽健劾刑部員外郎楊維松驗封司郎中蔡奕

### 琛邪黨

己卯工科給事中顏繼祖言正供之那借宜定犯贓之追法宜捷有司之協濟宜力紳之捐助宜均援納之方便宜行濫觴之生祠宜變贅麗之公署宜除士民之義舉宜勸上從之其正供那借監生加納不許

庚辰諭王象乾曰前卿奏昔年款虜合朵顏三十六家布慈免八大酋費七萬金歲兩市今當倍之且至三十六萬卿可傳示袁崇煥確察以聞

命會極門申刻後母入奏其軍情不論

辛巳予故右僉都御史唐順之謚

壬午大雷電

乙酉予故兵部左侍郎李楠祭壘楠嘗撫陝西有墨聲至估  
糞價咸寧知縣張允登面折以允登清執得民恐而叩之  
丙戌裁登萊巡撫罷孫國楨

丁亥謫巡城御史鄢毓祚以拉逮人也

揮漢虎墩兔懸與卜石兔永邵卜戰私卜五榜什妻敗走都  
令色令宰生合托氣喇嘛追殺袂夷都司吉能兵馬之半又  
屯延寧塞外窮兵追卜石兔而洋請款於督師初請款七萬  
今倍溢不敢以聞

旌都城孝女劉氏蓋劉蘭閨女事母張氏不嫁年四十六母

八月沒遂絕粒死之

十月戊子朔己丑召廷臣於文華殿以錦州軍譁袁崇煥請餉

疏示閣臣閣臣求允發上責戶部尚書畢自嚴又曰崇煥前

云汰兵減額今何仍之乎兵部尚書王在晉曰減汰當於來

歲禮部右侍郎周延儒曰關門昔防胡今且防兵前寧遠譁

即餉之又錦州馬各边尤而效之未知其極上問延儒若何

對曰臣非阻發帑今雖予之當益求經久之策上稱善又責

科道官言事失實即召對商確徒具文耳諸臣俱愧謝

庚寅右諭德陳子壯訴父科給事中熙昌寃狀命錄用

辛卯補李過知許世蓋張鵬雲馬思理給事中

南京陳必謙迷前被陷始末及同官王允成黃公輔劉之鳳  
余世業萬言揚等上命一官止荐一人毋贅

申諭邊臣

丁酉魏孝濂訟父吏科都給事中大中寃及兄李溇死孝狀  
上命李溇附父祠贈大中太常寺卿

戊戌上御文華殿以御史李懋芳疏兵餉示閣臣李標曰錢  
糧內外互相覺察外解責成司府議甚善上命戶部尚書畢  
自嚴覈新舊賦額詳奏又出御史李長春論吏部積弊及革  
項首充餉閣臣稱善又命御史吳玉讀前劾王在晉失事匿  
不報劉鴻訓擅改張慶臻勅書李標請放歸在晉上曰事當

有是非何輕去之也因問惠安伯張慶臻行賄總理京營改  
勅事閣臣謝不知上曰卿等先奏請兵部有揭帖何言不知  
也隨問慶臻慶臻委之中書上叱曰勅豈可妄增乎問之閣  
臣俱謝不知上閱兵部揭帖則劉鴻訓批西房蓋勅書俱舊  
稿鴻訓自添入也遂命會推閣員

起熊明遇程正己兵部右侍郎黃龍光為太僕寺卿方孔炤  
為職方司郎中

起陳于廷南京右都御史劉澤深為右副都御史巡撫南贛  
汀韶

己亥故禮部左侍郎周炳謨贈禮部尚書廢中書舍人予祭

堯謚文簡

兵科給事中熊奮渭御史吳玉謫外前呂對奮渭私語上聞而責之

壬寅山東右布政使王化行絳光祿寺卿以河工不聽

甲辰起甄淑太常寺少卿

論停刑

丁未左春坊劉宇亮予告

戊申兵部尚書王在晉免大李士劉鴻訓伏罪及職方郎中

苗思順俱論死後改戊戌代州衛中書舍人田佳壁論死

庚戌南京御史陳必謙言前御史劉弘光汪若極門克新俱

媚奸害政章下部議

乙卯漢南盜四百餘人自西當薄略陽勾土賊三千餘人入

畧陽偏漢中官兵追至寧羌階州復迂趨洛陽拒戰執閩南

道中軍王道成以追急棄之

丙辰戶部右侍郎王家楨遼東總兵朱梅並落職

十一月戊午朔庚申會推閣員吏部左侍郎成基命禮部右侍

郎錢謙益鄭以偉尚書李騰芳孫慎行何如寵等尋禮部尚

書溫体仁啣錢謙益訐其天啟初主試浙江賄中錢千秋不

宜枚卜

戶科給事中黃承昊言盜改八事曰給商庫價宜額設曰禁

私販曰銷舊引曰華甫樊曰罷加派曰寬邊粟斗斛曰行邊  
腹屯田曰議兩淮票監上納之

癸亥召廷臣及溫體仁錢謙益於文華殿體仁謙益相質辨  
良久上曰體仁所奏神奸結黨誰也曰謙益黨其甚衆臣不  
敢盡言即枚卜之典俱自謙益主持吏科給事中章允儒曰  
體仁資深望輕如糾謙益何不先於枚卜也體仁曰前則冷  
局今卜相為皇上慎用人耳允儒曰朋黨之說小人以陷君子  
先朝可鑒上叱之遂下錦衣衛獄後削籍禮部以錢千秋試  
卷呈上責謙益引罪而出命謙益回籍旋除名為民下千秋  
于刑部獄遂停枚卜李標錢龍錫固請上切責諸臣禮部右

侍郎周延儒亦曰自來會推會議並習故套僅一二主持餘  
無所言即言出而禍隨之矣上大稱善

夏允彝曰枚卜一事錢謙益必欲首推而慮周延儒方以  
召對得上意惧同推勢必用周力扼而止之不知上果意  
在用周不推適啟上疑耳安能力止耶於是黨同之疑中  
於上者愈深溫體仁發難而周為之助或云內庭已有為  
之應者共費金八萬官府同声以排東林而謙益輩揚揚  
不知也倏蒙召對謙益自以為枚卜定於此日矣及入朝  
方知有溫疏與錢廷對辨溫言如湧泉而錢頗詘因事出  
於意外也先是錢已與韓敬為仇韓固浙人錢欲與試浙

中文震孟曾諷止之錢不之納及應召北上文又勸以緩  
救下而錢又不納其科場一事寔寬而詎以為罪此不  
能拒之觀錢立身才未原不足用而温已首發難端其滿  
朝為仇勢不得不自結於上前救一人爭一事上彌信其  
公忠而天下元氣凋殘盡矣其操守亦能自勵故上始終  
敬信之然與盧杞之清忠強介固其倫也周再出頗反温  
之所為而操守蓋甚敗壞國事寔在兩人而寔東林過激  
以致此遂致天下左衽痛哉

倪元璐曰自神祖中葉以來三四十年之間朝宁之局則  
已三變其始天子靜攝聽君子小人之自戰而不為之理

所謂鼠觸穴中特勇者勝耳故其時君子時勝時敗然君  
子雖或不勝而其助亦不衰也其既克寺挾叔小人處必  
勝之地君子即亦戢心搏志而甘處不勝不敢復言戰小  
人亦不曰戰直曰禽馘之耳然其時君子雖嬰禍患其心  
愈益喜曰吾君子也其後魁柄已振握照明法君子小人  
皆怵然不敢窮戰而陰制以謀故其時氣戰者敗謀戰者  
勝謀陽者敗謀陰者勝凡明主所鉗韉以繩貪人宵類者  
小人皆借之以竄君子其君子既禍敗即無可自解曰吾  
君子其小人亦不靳歸名君子而但使其無救於禍敗又  
可曰非我也法也是故君子之不幸未有甚於此時者矣



乙丑吏科給事中章允儒削籍

辛未召寧陽侯陳光裕襄城伯李守鐫清平伯吳遵周誠意伯劉孔昭於文華殿問京營整理何若各有對上即用守鐫總督京營

甲戌白水縣盜王子順等合東來逃兵偽賈服掠蒲城韓城之孝童淄川鎮時承平久猝被兵入無固志巡撫陝西右僉都御史胡廷宴庸老惡聞盜杖各縣報者曰此飢民也掠至明春後自定矣於是各縣不以聞盜偵知之益恣劫且君縣獄走首希溝通白水縣役楊發蒲城王高購邊盜王嘉胤等五六千人分三路掠鄜州延安初西安慶陽延安有山綿亘

曰黃龍山易藪盜是年飢府谷王嘉胤倡亂王子順苗美馬惟鶴李自成等流劫於宜洛間屯清澗臥龍寺司衛事者利其財捕王苗妻子殺於小城場賊憤甚廊延村落成墟李自成者米脂縣雙泉里人初應驛卒使狂逞稍行劫邑令晏子實廉得其狀曰及今不剪終成滔天之惡煩朝廷兵甲也於是秋自成械遊於市至是英同邑張獻忠作亂

甲戌建故刑部尚書

丙子張澄為太僕寺卿署少卿事喬承詔為少卿添註

丁丑呂維祺為太常寺少卿

戊寅故刑部尚書王紀贈太子太保謚莊毅廕監蒞城人已

丑進士

庚辰戶部尚書畢自嚴下獄前戶部左侍郎王家楨削籍以  
斬餉遼兵再譴也

裁豐城侯李永祚壽

辛巳御史張慎言為太常寺少卿

壬午楊一鵬為大理寺右寺丞

癸未上南郊

援遼總兵毛文龍辭疾不允

十二月丁亥朔左副都御史賈毓祥疾免

己丑大孝士韓爌入朝

武之望繼兵錢高諭解之

壬子故右僉都御史劉志選故太僕寺卿梁夢環並論死

御史李嵩勅國子司業陳盟 科給事中張惟一 天啟丁卯至

試浙江試題巍乎惟天為大惟堯則之巍英魏同形以媚  
璫也

御史吳姓言京察在廷恐遺奸未盡借察以掩其奸若輩非  
考功之法所載也如搖動國母偏封三王曰佐逆門戶封疆  
借題殺人曰害正建祠聚斂要典詆誣曰媚璫矯旨加銜一  
歲九遷曰速化此輩若溷入察典非法之平宜命部院科道  
彙取前罪職名各註事實合疏請旨特賜處分其職業不修

考察如例上從之

順義王卜石免私通建州

癸丑周順昌子茂蘭訟寃上愍之贈順昌太常寺卿

誅巡撫大同右僉都御史張翼明摠兵渠家楨謂舊總督張

曉非所駐城議戍新平堡參時方裕昆委咎土人僅以免官

御史陳乾陽奏 李永貞劉若愚事波及趙鳴陽命逮之

前戶部右侍郎許維新卒維新字周翰棠邑人萬曆己丑進

士知澤州甲午進刑部郎中戊戌知寧國改松江癸卯進河

南按察使甲辰察處已補河南道歷任有聲癸丑錄卓異甲

寅進尚室司卿調南京遂家居八年光宗初改兵部職方郎

曹珍為戶部右侍郎徐良彥為南京大理寺卿

辛卯起劉宗周為順天府尹

壬辰故左都御史鄒元標贈少保予祭塋立祠謚忠介

加封河神靈應英濟侯

陳子龍曰鄒公歷三朝垂五十載始終一節天下觀其進

退以為治亂雖位登九列立朝不滿載歲何用之難而舍

之易也方其為諫官吏部則以崇大体敦吏治寬民力為

本至熹宗時天下多事公為大臣則勸以勤孝遠佞拔不

羈之才收度外之士若其推賢讓能自少至老孜孜不倦

蓋忠愛之至固時所急期有益於國此豈迂遠難行翹君

以自為名者哉

甲午李騰芳為禮部尚書協理詹事府

乙未禮部右侍郎錢謙益除名逮錢千秋

丁酉太僕寺李思誠疾去

己亥官兵勦上杭武平盜大敗之明年二月平

癸卯解李龍為太僕寺卿房可壯為尚寶司少卿

以陳洪範為總兵鎮守居庸關昌平

乙巳傅陞陸完李兵部右侍郎協理京營戎政

己酉許成名為總兵鎮守貴州

庚戌固原飢民軍數百人劫州庫掠市捕斬三十二人總督

中尋進右通政光祿寺卿乞休加戶部右侍郎致仕癸酉予

祭壘贈都察院右都御史

國  
權

臺灣國家圖書館, NATIONAL CENTRAL LIBRARY, TAIWAN, R.O.C.



國權

崇禎二年至三年

臺灣國家圖書館, NATIONAL CENTRAL LIBRARY, TAIWAN. R.O.C.

己巳崇禎二年

正月丁巳朔、上御皇極殿受朝賀

建人渡河官軍拒之時西虜餽建人之餉

壬戌撫治鄭陽右金都御史梁應澤以漢南盜告急請兵時

撫標止步兵三百人

刑科都給事中薛國觀上言陝西巡撫胡廷宴延綏巡撫岳



和聲各報洛川淳化三水畧陽清水成縣韓城宜君中部石泉宜川綏德葭羅靜寧潼關陽平閩全鎮關等處流賊恣掠初喬應甲抗秦置盜劫不問貧釀其禍今弭盜之方在整飭吏治有先事隄防之法有臨事剪滅之法有後事懲戒之法上是之

巡抚廷綏右副都御史岳和声檄商維道副使劉應遇剿白水盜

己巳固原逃兵掠涇陽

丙子 上幸太畋釋奠御藝倫堂因子祭酒孔貞運講大禹謨司業倪嘉善講易泰卦大象、上喜之監生江旭奇伏甬

### 道進孝經疏義

孔貞運曰臣祖孔戣孔穎達俱為先朝祭酒迨我太祖御極前祭酒孔克堅來朝特為達祀而穎達當唐貞觀臨雍時講孝經所著有釋、奠頌迄今犹艷稱之臣以六十三代孫忝竊於同列祖實慚家季時自衍聖公及族人外又有給諫孔聞詩大行孔聞籍皆以裔孫秩、在列明德之後用賓於王不可謂非千載一時也

裁光祿寺太常寺庖人及兩殿中書舍人月廩

逃兵掠富平

庚辰召太學士韓爌李標錢龍錫吏部尚書王永光諭曰朕

欲定附逆人罪必先正魏崔客氏首逆次及附逆者欲分附  
逆又須有據今發建祠稱頌諸疏卿等密與王永光左都御  
史曹于汴在內閣評閱首開諂附頌陷擁戴及訟美不置并  
雖未祠頌而陰行贊道者據法依律無枉無徇卿等數日內  
確定初逆瑞慶後因臺諫言定逆案大彖士韓爌端而厚錢  
龍錫和而謙不欲廣搜樹怨僅列四五十人以請、上大不  
悅再令廣搜且云皆當重處輕則削籍閣臣又以數十人呈  
進上怒其不稱旨命分稱頌贊導速化且云忠賢一人在內  
苟非外廷逢迎何遽至此其內臣同惡亦當入之閣臣以外  
廷不知內事對、上曰豈皆不知特畏任怨耳閱日召閣臣

入指黃袱所裹紅本若干曰此皆當寔蹟也且一一按入之  
閣臣知勢難遺漏乃曰臣等職司票擬三尺法非所習也上  
召吏部尚書王永光對曰吏部止諳考功法耳不習刑名遂  
召刑部尚書喬允升據律定罪

壬午逆兵掠涇陽

甲申召廷臣於文華殿以御史毛九華劾禮部尚書溫體仁  
有媚祠詩刊本、上問體仁謂錢謙益造陷又出御史任贊  
化參體仁疏其疏襲、上不懌責以挾私攻訐後必正法尋  
謫任贊化於外

己酉逆兵復掠涇陽執游擊李英



二月丁亥朔庚寅、皇長子慈煇生皇后周氏出頌詔天下  
談遷曰李延壽南史云前代人君即位後皇后生太子惟  
殷帝乙生紂宋文帝生逆劬為並非全終我朝、孝廟生  
武宗今又見之、武宗即有愾德不隕其祚痛哉季末禍  
同穀宋史語為不誣也

御史吳姓言因溫肸仁前削章允儒降房可壯瞿式耜今又  
斥任贊化班行削色似非美事乞因新慶召還言官不聽  
刑科給事中張國維劾冢臣王永光表率未正大同失事輒  
援虜貢加啣督臣則封疆之法壞貢士馬斯作添注刑曹則  
添注之法壞匪人濫推則久任之法壞諸奸何等重起李養

正司馬何官漫推崔景榮則會推之法壞媚案討前部覆輒  
輒敢弁髦則考功之法懷尤可異者霍維華之九頌津、列  
於未領何敢於欺、皇上以欺天下也曲庇香火借為己地  
路人知之矣夫一媚足以概生平十壞何以持銓政

甲午刑科給事中劉懋請裁定驛站即改劉懋兵科專管驛  
遞務從節省以蘇民力

李邦華為兵部尚書仍協理京營戎政

乙未楊鶴為右都御史兼兵部右侍郎總督陝西三邊張潑  
為右副都御史巡撫河南

辛丑吏部內計京官

壬寅巡撫宣府都察院右都御史季養冲疾去  
督師王象晉言款虜抚賞、上命閫外事朕不中制酌畫具  
奏卿目有筹略何待會議又諭兵部曰制勝在我不得一任  
要挾有失國體爾部與邊臣議之

閣臣上逆案

丙午封右都督周奎為嘉定伯歲祿千石

海盜李魁奇伏誅魁奇本鄧芝龍同黨芝龍忌之入犯中左  
所巡撫熊文燦詔以抚擒斬之

庚戌郭之琮為右僉都御史巡撫宣府

李成名錢春為戶部左右侍郎成名督理邊餉

命屯田御史清丈天津視課入為功罪設同知專責之從戶  
部尚書畢自嚴之言也

辛亥吏科給事中沈惟炳拾遺命浙江巡撫張廷登留用太

僕寺卿陳玉庭調南京兵部尚書呂純如太常寺卿蔣一驄

南京刑部右侍郎潘士良勅致仕兵部尚書王之臣閑住河

南道御史蔣允儀拾遺禮科給事中吳弘業勅致仕太僕寺

卿安仲閑住右僉都御史楊嗣脩勘處

壬子召閣臣及刑部尚書喬允升左都御史曹于汴於平臺

問張瑞圖來宗道何以不在逆案閣臣云無事上曰瑞圖

善書為瑞所愛宗道祭崔呈書毋乃稱在天之靈其罪著矣

問賈繼春何以不處閣臣言繼春欲請善待選侍不失厚道  
後雖反覆其持論亦多可取 上曰惟反覆故為小人於其  
發原奏并前紅本未入各官六十九人各令酌定於是案列  
甚廣几無一遺

癸丑左庶子兼侍讀莊際昌卒晉江人萬曆己未禮闈長試  
俱第一授脩撰丙寅忤瑞劄奪崇禎初復秩歷今官先治生  
壙贈磨事

陝西商維道副使劉應遇率毛兵入漢中合四川兵敗賊略  
陽練兵守備黃元極擊賊馬蹶被殺死手賊級不置也賊走  
漢陰應遇合都司解文英同李標奇等追至大石川屢攻之

又夜劫其營擒斬五百餘誅渠魁數十人餘三百人走蜀其  
匿漢陰山中者並自殺漢南盜平

三月丁巳朔令外夷乞恩通政司毋上

彘顏三衛及建州大凱三衛夷半入於建州東不的求督師  
袁崇煥開類於前屯之南臺堡互市貂參邊臣俱不可獨崇  
煥許之蓋東不的為建人害未謀犯劉西雖有牒報崇煥不  
為信

戊午宋祿本馮國祚為後軍都督府僉書万邦宇為錦衣衛  
僉書邦宇南鎮抚司

己巳華州妖人張南峯借脩華山廟構党謀逆國號大候永

豐改金斗元年軍師苗光臣餘皆照品銅印約三月戊寅起  
兵勾虜州人田彖孟許巡抚刘廣生下長安知縣孫雲杰捕  
獲之

庚午命礼部禱雨

進韓爌太傅廕中書舍人李標錢龍錫並太子太保之淵閣  
大季士廕監以皇子恩

前府帶俸左都督楊國棟由山海關副總兵轉登萊總兵立  
逆賢祠於皇城島進右都督轉左廕錦衣衛指揮初巡閱御  
史王會劾之至是巡按直隸御史方大任劾其貪橫  
御史刘士禎請脩賦役全書

辛未閣臣上欽定逆案

南京戶部尚書署吏部事鄭王俊等論計典屆期附增諸奸  
或未叅革犹榮畫錦謹以上聞原任大理寺右寺丞謝啟光  
附馮銓投逆幕總裁偽史棘丞兩年條躋九刑原任吏科給  
事中郭如閣筹边頌璫原任御史何早喜士憎良惡好拂性  
私張聚垣虞大復荐馮盛明荐鳳翔御史李時馨加毒楊連  
侵屯苛罰夏敬承 猖拜偽祠諛辭滿紙刘美徐復陽原任  
戶部郎中魏芳胡芳桂見任南京戶部郎中張聚垣原任礼  
部郎中虞大復羅鵬葉天陞原任兵部郎中周宇見任戢方  
郎中李際明見任主事邱存性原任工部屯田郎中魏孔政

都水郎中葛大同歐陽克材原任江寧知縣今南京工部主  
事夏之鼎以上皆媚璫有擬乞照例處分

戶部主事劉鼎卿叅尚書張我儻原領帑金四十五萬未清  
贖銀十二萬未結因進其當日會課一冊

御史梁子璫言屯田第一急務乞專官總理今遼東之屯督  
師袁崇煥身任之又戶部尚書畢自廣委屯天津此外如登  
萊山陝鳳淮田地雖荒各省直皆當請復開種乞勅各抚按  
及守令任之

壬申南京戶部尚書署吏部事鄭三俊主計降斥六十五人  
己亥諭曰監逆魏忠賢猥校下材備員給使初不遇窺嘖笑

以市陰陽席寵靈而饜富貴使虛位莫假其羽翼何蠢尔得  
肆其毒痛乃時外廷朋奸誤國實繁有徒或締好宗盟或呈  
身入幕或陰謀指授肆羅織以昏善良或秘策合圍扼利權  
而竄其兵柄甚且廣興祠頌明劾首功倡和已極於三封稱  
謂寢疑於上等誰成逆節致長燎原及朕大宝嗣登嚴綸屢  
霈元兇逆孽次第芟除尚有飾罪邀功倒身竄正以望氣占  
風之白日誇發奸指佞之封章跡其矯誣烏容錯貸朕鑒察  
既審特命內閣部院大臣別擬戴誥附建祠稱頌贊道諸款  
擬律推情再三訂擬首正奸逆之案麗於五刑稍寬賜從之  
誅及其三褫其案自魏忠賢客氏磔死外日首同逆謀六人